

U G O V O R

ZA NABAVKU SITNOG POTROŠNOG KANCELARIJSKOG MATERIJALA ZA POTREBE USTAVNOG SUDA BOSNE I HERCEGOVINE

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, ulica Reisa Džemaludina Čauševića 6/III, Sarajevo, koga zastupa Nataša Vuković, generalni sekretar Ustavnog suda Bosne i Hercegovine, (u daljem tekstu: **Naručilac**),

i

„SVJETLOSTKOMERC“ d.d., Muhameda Kantardžića br. 3, Sarajevo, koga zastupa Madžid Avdagić, direktor (u daljem tekstu: **Isporučilac**).

Član 1.

Predmet ugovora je nabavka i isporuka sitnog potrošnog kancelarijskog materijala za potrebe Naručioca, a prema sadržaju predračuna/ponude Isporučioca broj 19-01MP-000318 od 16. decembra 2019. godine, koja je sastavni dio ovog ugovora.

Član 2.

Ukupna cijena za nabavku iz člana 1. ovog ugovora definisana je predračunom/ponudom Isporučioca i iznosi 5.124,90 KM bez uračunatog PDV-a odnosno 5.996,13 KM sa uračunatim PDV-om.

Pojedinačne cijene i količine definisane su predračunom/ponudom Isporučioca i sastavni je dio ovog ugovora.

U cijenu su uračunati i troškovi isporuke u prostorije Naručioca - Reisa Džemaludina Čauševića 6, treći sprat, Sarajevo.

Član 3.

Isporučilac se obavezuje da će robu isporučiti u prostorije Naručioca, najkasnije do 31. decembra 2019. godine.

Isporučilac se obavezuje da će isporučiti robu koja je nova i nekorištena.

Član 4.

Isporučilac se obavezuje da robu fakturiše na osnovu otpremnice potvrđene od strane Naručioca da je robu preuzeo.

Sve reklamacije u pogledu kvaliteta dostavljene robe Naručilac će uložiti Isporučiocu u roku od 2 (dva) radna dana, a Isporučilac će ispraviti sve navedene primjedbe u pogledu kvaliteta u roku od 2 (dva) radna dana.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 20 dana po kvalitativnom i kvantitativnom prijemu robe bez

primjedaba i prijemu fakture, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

Član 6.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 7.

Ovaj ugovor stupa na snagu danom potpisivanja od strane ovlaštenih lica ugovornih strana.

Član 8.

Ovaj ugovor je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA ISPORUČIOCA

Madžid Avdagić

Direktor

ZA NARUČIOCA

Nataša Vuković

Generalni sekretar Ustavnog suda
Bosne i Hercegovine

Sarajevo, 19.12.2019
Broj: 04-2161/19

Sarajevo, 17. decembar 2019. godine
Broj: SU-08-1037-2/19